

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-117/12  
Sarajevo, 7.3.2012. godine

## ZAPISNIK

### 9. SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 23. februara i 7.marta 2012. godine

Sjednica je počela u 11.40. nakon završetka 8. sjednice.

Sjednici je predsjedavala Karolina Pavlović, predsjedavajuća Doma naroda Parlamenta Federacije BiH.

Na osnovu evidencije Stručne službe, predsjedavajuća je konstatovala da sjednici prisustvuje 34 delegata, što čini većinu, te Dom naroda može raditi i punovažno odlučivati.

Predsjedavajuća je podsjetila delegate da na osnovu člana 104. Poslovnika o radu Doma naroda mogu postavljati delegatska pitanja i pokretati inicijative, te izraziti nezadovoljstvo dobijenim odgovorom.

#### Delegatska pitanja i inicijative

**Predrag Kojić** je izrazio nezadovoljstvo nedobijanjem odgovora na inicijative koje je pokrenuo a koje se odnose na ukidanje diskriminacije građana Bosne i Hercegovine po etničkoj osnovi i na ukidanje Doma naroda Parlamenta Federacije BiH, te ih ponovo pokrenuo.

**Elvira Abdić-Jelenović** je izrazila nezadovoljstvo zbog nedobijanja odgovora na pitanja koja se tiču povrata imovine Bosne i Hercegovine u Republici Hrvatskoj i na **naplatu** prijeratnih potraživanja preduzeća iz Bosne i Hercegovine od kojih je Federacija dobila dio sredstava.

Također, postavila je pitanje Kantonalnom sudu u Sarajevu, Federalnom ministarstvu pravde i Visokom sudskom i tužilačkom vijeću Bosne i Hercegovine a odnosi se na odugovlačenje postupka u slučaj u kojem je Udruženje za zaštitu nezaposlenih dioničara "Agrokomerca" tužilo Komisiju za vrijednosne papire Federacije Bosne i Hercegovine zbog nezakonitog upisa u registar vrijednosnih papira emitenta "Agrokomerc" d.d. Velika Kladuša, koji je suprotan odluci Doma za ljudska prava.

**Ivan Brigić** je izrazio nezadovoljstvo što nije dobio odgovor od Kolegija Doma naroda u vezi sa nacionalnom strukturom zaposlenih u Stručnoj službi

Doma naroda i zatražio od sekretara Doma naroda odgovor na ovo pitanje. Također, izrazio je nezadovoljstvo što delegatima iz reda ostalih nije omogućeno prisustvovanje sjednicama Kolegija Doma naroda.

Sekretar Doma naroda Izmir Hadžić je dao odgovor na pitanje u vezi sa nacionalnom strukturom zaposlenih u Stručnoj službi.

**Amir Zukić** je izrazio nezadovoljstvo odgovorom koji je dobio na pitanje u vezi sa mjesečnim primanjima u javnim ustanovama, institucijama i preduzećima na nivou Federacije i zatražio tačan iznos mjesečnih primanja rukovodioca i članova upravnih odbora ovih institucija.

**Radoje Vidović** je izrazio nezadovoljstvo što nije dobio odgovor na pitanje koje je uputio Federalnom ministarstvu poljoprivrede, vodoprivrede i šumarstva a odnosi se na poticaje usmjerene u Srednjobosanski kanton, spisak lica koja su dobila te poticaje i po kom osnovu su dobijani ti poticaji u 2011. godini.

**Daliborka Milović** je izrazila nezadovoljstvo zbog nedobijenog odgovora na pitanje vezano uz imenovanje sudija Ustavnog suda Federacije Bosne i Hercegovine.

**Slobodan Tomić** zahvalio je Federalnom ministarstvu prometa i komunikacija na odgovoru.

**Zahid Bašić** je od Agencije za vodno područje sliva rijeke Save zatražio izvod iz finansijskog plana u kojem su predviđena sredstva za zaštitu područja sliva rijeke Spreče.

**Branislav Crnogorac** pokrenuo je inicijativu i zatražio od Ureda za reviziju institucija u Federaciji Bosne i Hercegovine spisak federalnih javnih preduzeća, javnih ustanova, zavoda, agencija i direkcija koje su revidirane posljednjih pet godina a čiji su izvještaji ocijenjeni negativnim ili uzdržanim mišljenjem, sa imenima rukovodilaca i sastavima upravnih i nadzornih odbora i da li u upravljačkim strukturama ima lica koja obavljaju upravljačku funkciju u više upravnih i nadzornih odbora - kako bi se utvrdila odgovornost predsjednika, direktora i članova nadzornih i upravnih odbora zbog štete načinjene ovim institucijama i izrekla im se zabrana upravljanja u federalnim institucijama.

**Vesna Saradžić** je postavila pitanje Federalnoj upravi za geodetske i imovinsko-pravne poslove u vezi sa kartom Bosne i Hercegovine koja je distribuirana u sve osnovne škole na području općine Konjic, a na kojoj nisu obilježena sva bitnija geografska obilježja Bosne i Hercegovine (npr. Boračko jezero).

**Zoran Jovanović** je pokrenuo inicijativu za formiranje etičke komisije u Domu naroda koja bi se bavila problemom nedolaska članova na sjednice radnih tijela. Postavio je pitanje koje se odnosi na otkup stanova u vlasništvu Parlamenta Federacije i koji je broj tih stanova.

**Jasmin Smilbegović** je pokrenuo inicijativu u pisanoj formi i zatražio izmjenu Zakona o Poreskoj upravi Federacije BiH i Pravilnika o dodjeljivanju identifikacionih brojeva i poreskoj registraciji poreskih obveznika.

**Segmedina Srna-Bajramović** je postavila jedno delegatsko pitanje.

Pitanje - kada će se na dnevnom redu sjednice Doma naroda razmatrati Prijedlog Zakona o osnovama socijalne zaštite i minimumu socijalne sigurnosti i Prijedlog Zakona o zaštiti porodice sa djecom.

**Zijat Mušić** postavio je pitanje Kolegiju Doma naroda - kada će se u "Službenim novinama Federacije BiH" objaviti Odluka o usvajanju Regulatornog plana historijskog gradskog područja Mostar za period 2007.-2017., budući da je ova odluka donesena na 32. sjednici Predstavničkog doma od 17.7.2010. godine a Dom naroda Odluku je donio na 2. sjednici od 16.6.2011. godine u tekstu kako ju je donio i Predstavnički dom.

**Slobodan Tomić** postavio je pitanje RTVFBiH, zašto je ukinit TV signal na području Zapadnohercegovačkog kantona.

**Esed Radeljaš** pokrenuo je jednu inicijativu.

Inicijativa se odnosi na to da se u okviru Federalnog ministarstva finansija ili Federalnog ministarstva za pitanja branitelja i invalida odbrambeno-oslobodilačkog rata formira fond u koji bi svi budžetski korisnici na dobrovoljnoj bazi uplaćivali mjesečno po jednu konvertibilnu marku u svrhu liječenja osoba gdje se pojavi potreba.

**Daliborka Milović** pokrenula je inicijativu prema Kolegiju Doma naroda za održavanje tematske sjednice na kojoj bi se razmatrala Infomacija o stanju raseljenih lica i povratnika u Federaciji BiH.

**Drago Puzigaća** postavio je pitanje Federalnom ministarstvu poljoprivrede, vodoprivrede i šumarstva u vezi sa kriterijima za dodjelu sredstava za podsticaj vezano uz poljoprivredu i stočarstvo i da li je neko vršio kontrolu onih koji su dobili sredstva i onih koji su aplicirali za novčana sredstva.

**Almedin Aliefendić** postavio je pitanje Federalnom ministarstvu finansija i Federalnom ministarstvu poljoprivrede, vodoprivrede i šumarstva - kada će biti isplaćene premije za 2011. godinu u vidu poticaja za stočarstvo vlasnicima stada ovaca sa područja Zeničko-dobojskog kantona.

**Stipo Pelivan** postavio je dva delegatska pitanja Federalnom ministarstvu poljoprivrede, vodoprivrede i šumarstva.

Prvo pitanje - kada će biti izrađen pravilnik o kapitalnim ulaganjima u poljoprivredi.

Drugo pitanje se odnosi na iznos sredstava za kapitalna ulaganja u poljoprivredi za 2012.godinu i da li će se sredstva planirana za 2011.godinu a koja nisu potrošena prenijeti u 2012.godinu.

**Mustafa Kurtović** je pokrenuo dvije inicijative.

Prva inicijativa je ujedno i stav Odbora za poljoprivredu, vodoprivredu i šumarstvo a vezano je uz elementarne nepogode u Bosni i Hercegovini i štete koje su nanesene poljoprivrednicima, te je predložio da se ubrzaju procedure procjena šteta u skladu sa važećom Uredbom koja tretira oblast šteta.

Druga inicijativa je vezana uz ubrzanje postupka donošenja Zakona o šumama jer je poznatno da od 7.12.2011. godine praktički vlada bezakonje u ovoj vrlo bitnoj i izuzetno važnoj oblasti za sve kantone i građane u Federaciji BiH.

Nakon delegatskih pitanja i pokrenutih inicijativa prešlo se na utvrđivanje dnevnog reda.

Predsjedavajuća je obavijestila delegate da je Vlada Federacije dostavila Prijedlog Zakona o izmjenama i dopunama Zakona o preuzimanju prava i obaveza osnivača nad ustanovama socijalne zaštite u Federaciji BiH s prijedlogom da se razmatra po skraćenom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 31 glasom za, uz dva uzdržana glasa i uz sedam glasova protiv, prihvatio da se Prijedlog Zakona o izmjenama i dopunama Zakona o preuzimanju prava i obaveza osnivača nad ustanovama socijalne zaštite u Federaciji BiH razmatra po skraćenom postupku.

Predsjedavajuća je upitala da li ima prijedloga za izmjenu i dopunu dnevnog reda.

Zijat Mušić je podsjetio delegate na dogovor sa prošle sjednice da se kao 1. tačka dnevnog reda 9. sjednice razmatra Prijedlog Zakona o izmjenama Zakona o potvrđivanju prava na prijevremenu starosnu penziju pod povoljnijim uvjetima te je insistirao na njenom uvrštavanju u dnevni red 9. sjednice.

U vezi sa ovim prijedlogom otvorila se rasprava u kojoj su učestvovali: Jasenko Tufekčić koji je izjavio da bi se trebalo sačekati mišljenje Vlade Federacije o ovom prijedlogu zakona i Ivo Tadić koji je izjavio da podržava prijedlog Zijata Mušića.

Radoje Vidović je, ispred Kluba delegata hrvatskog naroda, predložio da se 11. tačka - Prijedlog Odluke o donošenju Prostornog plana područja posebnih obilježja od značaja za Federaciju BiH „Autocesta na Koridoru Vc“ za period od 2008. do 2028. godine i Prijedlog Prostornog plana područja posebnih obilježja od značaja za Federaciju BiH „Autocesta na Koridoru Vc“ za period od 2008. do 2028. godine skine sa dnevnog reda jer, prema njegovom mišljenju, nisu ispoštovane zakonske odredbe koje se tiču nadležnosti kantona i općina u vezi sa planiranjem.

Tomislav Martinović je detaljnije obrazložio prijedlog Kluba.

U vezi sa ovim prijedlogom otvorila se diskusija u kojoj su učestvovali: Josip Perić, Elvira Abdić-Jelenović, Hajrudin Bećirović, Hanka Mušibegović, pomoćnica federalnog ministra za prostorno uređenje i Radoje Vidović.

Elvira Abdić-Jelenović je, ispred Odbora za prostorno uređenje, ekologiju i stambeno-komunalne poslove, predložila da se Prijedlog Odluke o donošenju Prostornog plana područja posebnih obilježja od značaja za Federaciju BiH „Autocesta na Koridoru Vc“ za period od 2008. do 2028. godine i Prijedlog Prostornog plana područja posebnih obilježja od značaja za Federaciju BiH „Autocesta na Koridoru Vc“ za period od 2008. do 2028. godine skine sa dnevnog reda ove sjednice i da se obavi javna rasprava o ovom planu u kantonima.

Josip Perić je predložio da se 11. tačka - Prijedlog Odluke o donošenju Prostornog plana područja posebnih obilježja od značaja za Federaciju BiH „Autocesta na Koridoru Vc“ za period od 2008. do 2028. godine i Prijedlog Prostornog plana područja posebnih obilježja od značaja za Federaciju BiH „Autocesta na Koridoru Vc“ za period od 2008. do 2028. godine skine sa dnevnog reda ove sjednice, a da se u roku od 30 dana održi tematska sjednica

koja se odnosi na Koridor Vc, što su delegate, sa 42 glasa za i uz tri uzdržana glasa, prihvatili.

U vezi sa prijedlogom Zijata Mušića koji je zatražio da se Prijedlog Zakona o izmjenama i dopunama Zakona o potvrđivanju prava na prijevremenu starosnu penziju ostvarenu pod povoljnijim uvjetima uvrsti u dnevni red ove sjednice, otvorila se diskusija u kojoj su učestvovali: Vjekoslav Čamber, federalni ministar rada i socijalne politike, koji je izjavo da je potrebno službeno mišljenje Vlade Federacije te je potrebno pronaći finansijska sredstva za provedbu finansiranja ovog zakona. Također je izjavio da je Vlada Federacije priprema cjelovit zakon u koji će se uključiti sve kategorije pripadnika oružanih snaga i omogućiti ostvarivanje ušteta u budžetu Federacije.

Zijat Mušić i Ivo Tadić zauzeli su stav da se mora provesti presuda Ustavnog suda Federacije u vezi sa ovom problematikom i zatražili da se Prijedlog Zakona koji je predložio Zijat Mušić uvrsti u dnevni red ove sjednice.

Nakon pauze, predsjedavajuća Doma naroda iznijela je prijedloge Kolegija Doma naroda.

Kolegij Doma naroda je predložio da se u dnevni red ove sjednice uvrsti Nacrt Programa rada Doma naroda Parlamenta Federacije BiH za 2012. godinu, što su delegate, sa 35 glasova za, uz deset uzdržanih glasova i uz tri glasa protiv, prihvatili.

Također, Kolegij Doma naroda razmatrao je urgenciju Vlade Federacije da se u dnevni red ove sjednice uvrste tačke - Prijedlog Zakona o dopuni Zakona o poljoprivredi i Prijedlog Zakona o izmjeni Zakona o novčanim potporama u poljoprivredi i ruralnom razvitku sa prijedlogom da se razmatraju po skraćenom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 31 glasom za, uz 11 uzdržanih glasova i uz šest glasova protiv, prihvatio da se Prijedlog Zakona o dopuni Zakona o poljoprivredi uvrsti u dnevni red ove sjednice.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 32 glasa za, uz 11 uzdržanih glasova i uz šest glasova protiv, prihvatio da se Prijedlog Zakona o izmjeni Zakona o novčanim potporama u poljoprivredi i ruralnom razvoju uvrsti u dnevni red ove sjednice.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 38 glasova za i uz osam uzdržanih glasova, prihvatio da se Prijedlog Zakona o izmjenama i dopunama Zakona o potvrđivanju prava na prijevremenu starosnu penziju ostvarenu pod povoljnijim uvjetima (predlagač: Zijat Mušić, delegat u Domu naroda) uvrsti u dnevni red ove sjednice.

Nakon toga, predsjedavajuća je pozvala delegate da se izjasne o postupku po kojem će se razmatrati predloženi zakoni.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 31 glasom za, uz sedam uzdržanih glasova i uz devet glasova protiv, prihvatio da se Prijedlog Zakona o dopuni Zakona o poljoprivredi razmatra po skraćenom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 30 glasova za, uz osam uzdržanih glasova i

uz devet glasova protiv, prihvatio da se Prijedlog Zakona o izmjeni Zakona o novčanim potporama u poljoprivredi i ruralnom razvoju razmatra po skraćenom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 33 glasa za, uz 13 uzdržanih glasova i uz jedan glas protiv, prihvatio da se Prijedlog Zakona o izmjenama i dopunama Zakona o potvrđivanju prava na prijevremenu starosnu penziju ostvarenu pod povoljnijim uvjetima (predlagač: Zijat Mušić, delegat u Domu naroda) razmatra po hitnom postupku.

Nakon toga glasalo se o predloženom dnevnom redu.

Sa 32 glasa za, uz šest glasova protiv i uz šest uzdržanih glasova, Dom naroda Parlamenta Federacije usvojio je sljedeći:

## **D N E V N I R E D**

1. Prijedlog Zakona o izmjenama i dopunama Zakona o preuzimanju prava i obaveza osnivača nad ustanovama socijalne zaštite u Federaciji BiH – skraćeni postupak,
2. Prijedlog Zakona o dopuni Zakona o poljoprivredi - skraćeni postupak,
3. Prijedlog Zakona o izmjeni Zakona o novčanim podrškama u poljoprivredi i ruralnom razvoju – skraćeni postupak,
4. Prijedlog Zakona o izmjenama i dopunama Zakona o potvrđivanju prava na prijevremenu starosnu penziju ostvarenu pod povoljnijim uvjetima (predlagač: Zijat Mušić, delegat u Domu naroda) – hitni postupak,
5. Prijedlog Zakona o utvrđivanju i načinu izmirenja neizmirenih obaveza nastalih na osnovu Zakona o osnovama socijalne zaštite, zaštite civilnih žrtava rata i zaštite porodice sa djecom,
6. Prijedlog Zakona o izmjenama i dopunama Zakona o Agenciji za bankarstvo Federacije BiH,
7. Prijedlog Zakona o vinu,
8. Prijedlog Zakona o stomatološkoj djelatnosti,
9. Prijedlog Zakona o evidencijama u oblasti zdravstva,
10. Nacrt Zakona o radu,
11. Nacrt Zakona o zapošljavanju stranaca,
12. Nacrt Zakona o elektronskom dokumentu,
13. Nacrt Zakona o igrama na sreću,
14. Nacrt Programa rada Doma naroda Parlamenta Federacije BiH za 2012. godinu,
15. Izbor i imenovanja.

## **1. Prijedlog Zakona o izmjenama i dopunama Zakona o preuzimanju prava i obaveza osnivača nad ustanovama socijalne zaštite u Federaciji BiH – skraćeni postupak**

Prijedlog Zakona utvrdila je Vlada Federacije.

Predstavnički dom je na 11. sjednici od 25.1.2012. godine usvojio Prijedlog Zakona sa jednim amandmanom koji je federalni ministar rada i socijalne politike prihvatio na sjednici Predstavničkog doma. Amandman se odnosi na član 2. Prijedloga Zakona.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Vjekoslav Čamber, federalni ministar rada i socijalne politike.

U raspravi nije niko učestvovao.

## **2. Prijedlog Zakona o dopuni Zakona o poljoprivredi - skraćeni postupak**

Prijedlog Zakona utvrdila je Vlada Federacije.

Prijedlog Zakona obrazložio je Hanefija Topuz, predstavnik Federalnog ministarstva poljoprivrede, vodoprivrede i šumarstva.

Mustafa Kurtović je obrazložio izvještaj Odbora za poljoprivredu, vodoprivredu i šumarstvo.

U raspravi su učestvovali Elvira Abdić-Jelenović i Hanefija Topuz.

## **3. Prijedlog Zakona o izmjeni Zakona o novčanim podrškama u poljoprivredi i ruralnom razvoju - skraćeni postupak**

Prijedlog Zakona utvrdila je Vlada Federacije.

Prijedlog Zakona obrazložio je Hanefija Topuz, predstavnik Federalnog ministarstva poljoprivrede, vodoprivrede i šumarstva.

U raspravi niko nije učestvovao.

## **4. Prijedlog Zakona o izmjenama i dopunama Zakona o potvrđivanju prava na prijevremenu starosnu penziju ostvarenu pod povoljnijim uvjetima (predlagač: Zijat Mušić, delegat u Domu naroda) – hitni postupak**

Prijedlog Zakona razmatrala su nadležna radna tijela i dostavila izvještaje.

U raspravi nije niko učestvovao.

Prije prelaska na raspravu po ostalima tačkama dnevnog reda, Elvira Abdić-Jelenović je zatražila da se nakon obavljene rasprave o tački dnevnog reda obavi i glasanje o toj tački.

Ivo Tadić je predložio da se obavi glasanje o prve četiri tačke dnevnog reda zbog hitnosti.

Mirjana Malić je izjavila da je parlamentarna praksa u Evropi da se nakon obavljene rasprave određuje dan predviđen samo za glasanje o raspravljenim tačkama.

Predsjedavajuća je izjavila da Poslovnik o radu Doma naroda ne predviđa obavezu da se odmah glasa o raspravljenoj tački dnevnog reda, te prešla na rad po 5. tački dnevnog reda.

## **5. Prijedlog Zakona o utvrđivanju i načinu izmirenja neizmirenih obaveza nastalih na osnovu Zakona o osnovama socijalne zaštite, zaštite civilnih žrtava rata i zaštite porodice sa djecom**

Prijedlog Zakona utvrdila je Vlada Federacije.

Predstavnički dom je na 11. sjednici od 25.1.2012. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Vjekoslav Čamber, federalni ministar rada i socijalne politike.

U raspravi su učestvovali: Mira Ljubijankić, predsjednica Kluba delegata srpskog naroda, Adnan Jupić i Dobrica Jonjić, pomoćnik federalnog ministra rada i socijalne politike.

## **6. Prijedlog Zakona o izmjenama i dopunama Zakona o Agenciji za bankarstvo Federacije BiH**

Prijedlog Zakona utvrdila je Vlada Federacije.

Predstavnički dom je na nastavku 9. sjednice od 22.12.2011. godine usvojio Prijedlog Zakona sa dva amandmana koja su postali sastavni dio Prijedloga Zakona. Amandmani se odnose na čl. 3. i 4.f.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Ante Krajina, federalni ministar finansija.

U raspravi su učestvovali Zahid Bašić i Radoje Vidović.

## **7. Prijedlog Zakona o vinu**

Prijedlog Zakona utvrdila je Vlada Federacije.

Predstavnički dom je na nastavku 9. sjednice od 22.12.2011. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložila je Emina Selman, predstavnik Federalnog ministarstva poljoprivrede, vodoprivrede i šumarstva.

Mustafa Kurtović je obrazložio izvještaj Odbora za poljoprivredu, vodoprivredu i šumarstvo.

U raspravi nije niko učestvovao.



## **8. Prijedlog Zakona o stomatološkoj djelatnosti**

Prijedlog Zakona utvrdila je Vlada Federacije.

Predstavnički dom je na 10. sjednici od 28.12.2011. godine usvojio Prijedlog Zakona sa četiri amandmana Vlade Federacije koji su postali sastavni dio Prijedloga Zakona. Amandmani se odnose na čl. 24., 62., 65. i 67. Prijedloga Zakona.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Rusmir Mesihović, federalni ministar zdravstva.

U raspravi je učestvovala Mirjana Malić.

## **9. Prijedlog Zakona o evidencijama u oblasti zdravstva**

Prijedlog Zakona utvrdila je Vlada Federacije.

Predstavnički dom je na 10. sjednici od 28.12.2011. godine usvojio Prijedlog Zakona sa šest amandmana Vlade Federacije i jednim amandmanom koji je Vlada Federacije prihvatila pa su postali sastavni dio Prijedloga Zakona. Amandmani se odnose na čl. 64., 70. i 72. Prijedloga Zakona.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Rusmir Mesihović, federalni ministar zdravstva.

U raspravi nije niko učestvovao.

## **10. Nacrt Zakona o radu**

Nacrt Zakona utvrdila je Vlada Federacije.

Predstavnički dom je na nastavku 11. sjednice od 26.1.2012. godine razmatrao Nacrt Zakona i Zaključkom ga prihvatio. Tom prilikom, Zakon je stavljen na javnu raspravu.

Nacrt Zakona razmatrala su nadležna radna tijela i dostavila izvještaje.

Nacrt Zakona obrazložio je Vjekoslav Čamber, federalni ministar rada i socijalne politike.

Almedin Aliefendić je obrazložio Izvještaj Odbora za pravdu, opću upravu i lokalnu samoupravu.

Hajrudin Bećirović je obrazložio Izvještaj Odbora za privredu.

U raspravi su učestvovali: Senahid Šaković, Ivo Divković, Sretko Radišić, Segmedina Srna-Bajramović, Zahid Bašić, Elvira Abdić-Jelenović, Josip Perić, Mira Ljubijankić i Hajrudin Bećirović.

Nakon rasprave, predsjedavajuća je zbog nedostatka kvoruma prekinula sjednicu u 17.40.

## **NASTAVAK 9. SJEDNICE, održane 7.3.2012. godine**

Sjednica je počela u 11.35.

Sjednici je predsjedavala Karolina Pavlović, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, ministre u Vladi Federacije BiH, predstavnike nevladinih organizacija i predstavnike akreditiranih medijskih kuća koji prate rad sjednice.

Izostanak sa sjednice opravdali su: Daliborka Milović, Nikola Simić, Mijo Matanović, Jasmin Smailbegović, Elvira Abdić-Jelenović, Predrag Kojović i Slaviša Mihajlović.

Na osnovu evidencije Stručne službe, predsjedavajuća je konstatovala da sjednici prisustvuju 44 delegata, što čini većinu, te Dom naroda može raditi i punovažno odlučivati.

Predsjedavajuća je podsjetila delegate na preostale tačke dnevnog reda i prešla na rad.

### **11. Nacrt Zakona o zapošljavanju stranaca**

Nacrt Zakona utvrdila je Vlada Federacije.

Predstavnički dom je na nastavku 11. sjednice od 26.1.2012. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila izvještaje.

Nacrt Zakona obrazložila je Džana Kadribegović, pomoćnica federalnog ministra rada i socijalne politike.

U raspravi nije niko učestvovao.

### **12. Nacrt Zakona o elektronskom dokumentu**

Nacrt Zakona utvrdila je Vlada Federacije.

Predstavnički dom je na nastavku 9. sjednice od 22.12.2011. godine razmatrao Nacrt Zakona i Zaključkom ga prihvatio. Tom prilikom Nacrt Zakona je stavljen na javnu raspravu.

Nacrt Zakona razmatrala su nadležna radna tijela i dostavila izvještaje.

Nacrt Zakona obrazložio je Ivan Matešić, pomoćnik federalnog ministra pravde.

U raspravi je učestvovao Senahid Šaković.

### **13. Nacrt Zakona o igrama na sreću**

Nacrt Zakona utvrdila je Vlada Federacije.

Predstavnički dom je na nastavku 9. sjednice od 22.12.2011. godine razmatrao Nacrt Zakona i Zaključkom ga prihvatio. Tom prilikom Nacrt Zakona je stavljen na javnu raspravu.

Nacrt Zakona razmatrala su nadležna radna tijela i dostavila izvještaje.

Nacrt Zakona obrazložio je Ante Krajina, federalni ministar finansija.

Branislav Crnogorac je obrazložio Izvještaj Odbora za obrazovanje, nauku, kulturu, sport i pitanja mladih.

Hajrudin Bećirović je obrazložio Izvještaj Odbora za privredu.

U raspravi su učestvovali Josip Perić, Radoje Vidović i Mirko Batinić.

#### **14. Nacrt Programa rada Doma naroda Parlamenta Federacije BiH za 2012. godinu**

Nacrt Programa rada Doma naroda Parlamenta Federacije BiH za 2012. godinu utvrdio je Kolegij Doma naroda.

U raspravi nije niko učestvovao.

#### **15. Izbor i imenovanja**

Prijedlog Odluke o izmjeni Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH utvrdila je Komisija za izbor i imenovanja Doma naroda

Izvještaj Komisije je obrazložila Daliborka Milović, predsjednica Komisije.

Nakon rasprave o tačkama dnevnog reda predsjedavajuća Doma naroda obavijestila je delegate da se Domu naroda obratila Evropska komisija sa zamjerkama na Prijedlog Zakona o vinu, te je pozvala Eminu Selman ispred Federalnog ministarstva poljoprivrede, vodoprivrede i šumarstva da se obrati Domu.

Emina Selman je izjavila da Vlada Federacije prihvata primjedbe Evropske komisije koje se odnose na promet vina i pročitala amandmane Vlade Federacije koji se postali sastavni dio Prijedloga Zakona o vinu.

Amandmani glase:

##### **Amandman I.**

U članu 57. stav (4) mijenja se i glasi:

“(4) Vino koje se uvozi u rinfuznom stanju može se pakovati i stavljeti u promet pod uvjetima definiranim stavom (5) ovog člana.”

##### **Amandman II.**

U članu 57. stav (5) mijenja se i glasi:

„(5) Ako se uvozi vino u rinfuznom stanju za neposrednu ljudsku upotrebu, stavlja se u promet za krajnjeg potrošača u bocama, deklarirano u skladu sa podacima navedenim na certifikatu države izvoznice.“

U raspravi u vezi sa ovim amandmanima učestvovali su Mustafa Kurtović, Slobodan Tomić i Jasenko Tufekčić.

Nakon toga predsjedavajuća je dala pauzu.

Nakon pauze, predsjedavajuća je obavijestila delegate da je Kolegij Doma naroda predložio da se odloži izjašnjavanje o Prijedlogu Zakona o izmjenama i dopunama Zakona o potvrđivanju prava na prijevremenu starosnu penziju ostvarenu pod povoljnijim uvjetima dok Vlada Federacije ne dostavi mišljenje o ovom zakonu.

Radoje Vidović je, ispred Kluba delegata hrvatskog naroda, predložio da se glasa o ovom zakonu.

Jasenko Tufekčić je, također, predložio da se obavi izjašnjenje o ovom zakonu jer je prošao rok predviđen Poslovníkom o radu Doma naroda za dostavu mišljenja.

U raspravi u vezi sa ovim prijedlogom učestvovali su: Zijat Mušić, Dževad Rađo, Zoran Jovanović, Amir Zukić, predsjednik Kluba delegata bošnjačkog naroda, Ivo Tadić i Aner Žuljević.

Budući da je Mira Ljubijankić, predsjednica Kluba delegata srpskog naroda, zatražila pauzu - predsjedavajuća je dala pauzu u trajanju od pet minuta.

Nakon pauze, Mira Ljubijankić je izjavila da je prijedlog Kluba da se obavi izjašnjenje o Prijedlogu Zakona.

Potom se prešlo na glasanje o tačkama dnevnog reda.

### **1. Prijedlog Zakona o izmjenama i dopunama Zakona o preuzimanju prava i obaveza osnivača nad ustanovama socijalne zaštite u Federaciji BiH**

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 34 glasa za, uz osam uzdržanih glasova i uz tri glasa protiv, usvojio Prijedlog Zakona o izmjenama i dopunama Zakona o preuzimanju prava i obaveza osnivača nad ustanovama socijalne zaštite u Federaciji BiH.

### **2. Prijedlog Zakona o dopuni Zakona o poljoprivredi**

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 34 glasa za, uz sedam uzdržanih glasova i uz pet glasa protiv, usvojio Prijedlog Zakona o dopuni Zakona o poljoprivredi.

### **3. Prijedlog Zakona o izmjeni Zakona o novčanim podrškama u poljoprivredi i ruralnom razvoju**

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 33 glasa za, uz šest uzdržanih glasova i uz pet glasova protiv, usvojio Prijedlog Zakona o izmjeni Zakona o novčanim podrškama u poljoprivredi i ruralnom razvoju.

**4. Prijedlog Zakona o izmjenama i dopunama Zakona o potvrđivanju prava na prijevremenu starosnu penziju ostvarenu pod povoljnijim uvjetima** (predlagač: Zijat Mušić, delegat u Domu naroda)

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 40 glasova za i uz tri uzdržana glasa, usvojio Prijedlog Zakona o izmjenama i dopunama Zakona o potvrđivanju prava na prijevremenu starosnu penziju ostvarenu pod povoljnijim uvjetima.

**5. Prijedlog Zakona o utvrđivanju i načinu izmirenja neizmirenih obaveza nastalih na osnovu Zakona o osnovama socijalne zaštite, zaštite civilnih žrtava rata i zaštite porodice sa djecom**

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 35 glasova za, uz četiri uzdržana glasa i uz pet glasova protiv, usvojio Prijedlog Zakona o utvrđivanju i načinu izmirenja neizmirenih obaveza nastalih na osnovu Zakona o osnovama socijalne zaštite, zaštite civilnih žrtava rata i zaštite porodice sa djecom.

**6. Prijedlog Zakona o izmjenama i dopunama Zakona o Agenciji za bankarstvo Federacije BiH**

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 31 glasom za, uz 11 uzdržanih glasova i uz tri glasa protiv, usvojio Prijedlog Zakona o izmjenama i dopunama Zakona o Agenciji za bankarstvo Federacije BiH.

**7. Prijedlog Zakona o vinu**

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 33 glasa za, uz sedam uzdržanih glasova i uz tri glasa protiv, usvojio Prijedlog Zakona o vinu sa dva amandmana Vlade Federacije koji su postali sastavni dio Prijedloga Zakona.

Budući da je Prijedlog Zakona o vinu usvojen u različitom tekstu u oba doma Parlamenta Federacije BiH **potrebno** ga je **usaglasiti**.

**8. Prijedlog Zakona o stomatološkoj djelatnosti**

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 32 glasa za, uz sedam uzdržanih glasova i uz četiri glasa protiv, usvojio Prijedlog Zakona o stomatološkoj djelatnosti.

## 9. Prijedlog Zakona o evidencijama u oblasti zdravstva

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 35 glasova za, uz pet uzdržanih glasova i uz četiri glasa protiv, usvojio Prijedlog Zakona o evidencijama u oblasti zdravstva.

## 10. Nacrt Zakona o radu

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 31 glasom za, uz šest uzdržanih glasova i uz četiri glasa protiv, usvojio sljedeći:

### ZAKLJUČAK

1. Dom naroda Parlamenta Federacije BiH prihvata Nacrt Zakona o radu i smatra da može poslužiti kao osnov za izradu prijedloga Zakona.
2. Zadužuje se Vlada Federacije BiH, odnosno resorno ministarstvo kao ovlašteni predlagač da u saradnji sa nadležnim radnim tijelima u roku od 60 dana organizira i provede javnu raspravu koja će trajati 60 dana.
3. Zadužuje se Vlada Federacije da prilikom izrade prijedloga Zakona ima u vidu sve primjedbe, prijedloge i sugestije iznesene na sjednici Doma naroda kao i one iznesene u javnoj raspravi.

## 11. Nacrt Zakona o zapošljavanju stranaca

Na osnovu rezultata glasanja, predsjedavajuća je konstatovala da Dom naroda Parlamenta Federacije **nije prihvatio** Nacrt Zakona o zapošljavanju stranaca jer je za glasalo 28 delegata, sedam delegata je bilo uzdržano, a osam delegata je bilo protiv.

Budući da je izražena sumnja u rezultate glasanja pristupilo se poimeničnom glasanju koje je obavio Izmir Hadžić, sekretar Doma naroda.

Na osnovu rezultata poimeničnog glasanja, predsjedavajuća je konstatovala da je Dom naroda Parlamenta Federacije, sa 30 glasova za, uz 13 uzdržanih glasova i uz tri glasa protiv, usvojio sljedeći:

### ZAKLJUČAK

1. Dom naroda Parlamenta Federacije BiH prihvaća Nacrt Zakona o zapošljavanju stranaca i smatra da može poslužiti kao osnov za izradu prijedloga Zakona.
2. Zadužuje se Vlada Federacije da prilikom izrade prijedloga Zakona ima u vidu sve primjedbe, prijedloge i sugestije iznesene na sjednici Doma naroda.

## 12. Nacrt Zakona o elektronskom dokumentu

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 30 glasova za, uz 11 uzdržanih glasova i uz tri glasa protiv, usvojio sljedeći:

### ZAKLJUČAK

1. Dom naroda Parlamenta Federacije BiH prihvaća Nacrt Zakona o elektronskom dokumentu i smatra da može poslužiti kao osnov za izradu prijedloga Zakona.
2. Zadužuje se predlagač da organizira i provede javnu raspravu koja će trajati 30 dana.
3. Zadužuje se Vlada Federacije da prilikom izrade prijedloga Zakona ima u vidu sve primjedbe, prijedloge i sugestije iznesene na sjednici Doma naroda kao i one iznesene u javnoj raspravi.

## 13. Nacrt Zakona o igrama na sreću

Na osnovu rezultata glasanja, predsjedavajuća je konstatovala da Dom naroda Parlamenta Federacije **nije prihvatio** Nacrt Zakona o igrama na sreću jer je za glasalo 29 delegata, četiri delegata su bila uzdržana, a 14 delegata je bilo protiv.

Budući da je izražena sumnja u rezultate glasanja pristupilo se poimeničnom glasanju koje je obavio Izmir Hadžić, sekretar Doma naroda.

Na osnovu rezultata poimeničnog glasanja predsjedavajuća je konstatovala da Dom naroda Parlamenta Federacije **nije prihvatio** Nacrt Zakona o igrama na sreću jer je za glasalo 28 delegata, šest delegata je bilo uzdržano dok je 12 delegata bilo protiv.

## 14. Nacrt Programa rada Doma naroda Parlamenta Federacije BiH za 2012. godinu

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 31 glasom za, uz osam uzdržanih glasova i uz tri glasa protiv, usvojio sljedeći:

### ZAKLJUČAK

Dom naroda Parlamenta Federacije BiH prihvata Nacrt Programa rada Doma naroda Parlamenta Federacije BiH za 2012. godinu i smatra da može poslužiti kao osnov za izradu prijedloga Programa rada.

## 15. Izbor i imenovanja

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 32 glasa za, uz šest uzdržanih glasova i uz četiri glasa protiv, donio Odluku o izmjeni Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH kojom je u Komisiju za jezička pitanja Doma naroda iz reda stručnih, kulturnih i javnih radnika umjesto **Lejle Mesihović-Ramić** imenovana **Nirmela Čehajić**.

Sjednica je završena u 14.40.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVALA

Prof. Karolina Pavlović